

racija govori nekim nukleusnim standardom, a jedan dio tog standarda, svakako, i profesionalno se oboji. Određenije gledano pred nama se rađaju dijalekatski oblici razvijenih društva, sociolekti.

Na taj se način dijalekti osipaju, stvaraju nukleuse koji se raslojavaju na sociolekte različito markirane društvenim strukturama. Sve to ne može biti bez vidnih djelovanja i na kulturu izražavanja svakoga pojedinca (šor — naselje — kvart, penzija — mirovina — pemzija, auto — kola — vozilo, tablja — tacna — poslužavnik, veš — rublje — pre-svlaka ...).

Gradska sredina kulturu riječi zamjenjuje kulturom stvari, predmeta. Novonaseljeni pojedinac upućen je da više gleda nego što zna i može da čita. On u gradu mnogo vidi i tako uči, čuje i služi se aparatima, a da ga i ne zanima princip rada, čak niti ime aparata.

Vjerljivo što je pojedinac primitivniji, bez ikakve lične kontrole, absolutno će privatiti tudi jezik, u ovom slučaju jezik gradske sredine, grada. To neće činiti zbog nekih posebnih razloga, želje da nauči i slično, nego zato što više nema afiniteta prema donijetom standardu, on ga ne motiviše. Pojedinac počinje shvaćati da jezik gradske sredine mora usvojiti ako želi opstati u njoj, saživjeti se s njom, prilagoditi se, svakako pa i jezično.

Dijalekatska razlika između sela i grada sve se više stavlja u drugi plan, a u stvarnosti se pojavljuje razlika između pojedinih gradova, čak i unutar jednog dijalekta (Vinkovci-Osijek-Pakrac, Tuzla-Kladanj-Sarajevo, Niš-Vranje-Valjevo ...). To je primjetno i kod pisaca, recimo: A. Kovačić—M. Božić, Z. Dizdarević—D. Sušić, S. Sremac—L. Lazarević itd.

Nešto se u tom procesu teško uklanja, recimo akcenat, drugo opet djeluje tako da se svi tokovi dijalekatskog jedinstva razilaze u jednom drugom pravcu. Naime, vjerujem da potpuna decentralizacija komunikativnih sredstava (radio, televizija, novine itd.) utječe na stvaranje posebnih govornih tipova, gradskih varijantskih opozicija. Govor na selu počinje da se modeluje prema gradskim klišejima, a koji su utjecajni zahvaljujući upravo demokratiziranim i dostupnim mnogobrojnim sredstvima komuniciranja.

Dovoljno je uveče slušati radio, propovijevati automobilom, ili što slično uraditi, pa ćemo za kratko vrijeme, bez ikakvih najava, odrediti recimo: Zagreb, Titograd, Sarajevo, Beograd itd. Dakle, gradovi diktiraju svoj jezik. Smatram da oni apsorbuju dijalekatske forme, transformišu ih i korigiraju na svakoj razini, a onda ih i zadržavaju. Na taj se način oblici iz dijalekata pretiču u oblike gradskih sredina i više se ne vraćaju u izvorne dijalekte.

Ahmet Kasumović

VIJESTI

KRATKO I JASNO

Ako niste zadovoljni ovim godištem, pišite nam.

Ako jeste, pošaljite preplatu za iduće, nakašnije do 1. listopada, a najbolje odmah. I nadite još kojega preplatnika. Uredništvo se pribjjava da bi opet mogao biti veći broj onih koji su doduće s Jezikom zadovoljni, ali

koji će s nemara propustiti da išta učine za Jezik pa čak i da pošalju preplatu.

Nadamo se da nova preplata neće biti iznenadenje ni prevelik izdatak.

Kad bismo imali 4000 preplatnika, prihodi bi bili jednakim rashodima. Ali mi smo daleko od toga broja, a svaki preplatnik manje znači gubitak za koji danas ne znamo kako ćemo ga namiriti. Zato smo zahrinuti.

Uredništvo